

Yuehal Sul Nr Ber

1

¹⁻² Allor, ni mel Arbosobo tiur teixl lei ssormaer^a ar ddei a. Ngo mel Yisu leil ddarzzi su mel leil guaxr su camar a. Ngo ni leil nei ni ddei aniux mel leil eil ddei vaexr gger. Ddarzi mel niul nixmox zzar hher ji dae, halae cirse-cirsil hher ji dae nia, yel ngo nia leil yarzi sael perniar. Ngo lar nia leil perniar nr nga a nei, ddarzi mel leil saexl su maelmaerjjia lei nia leil perniar.

³ Niul nixixl goxr a Arbosobo ddei ddarzi mel dax bei mae dae, zzicarzzi leil perniar dae a, niul ddei Arbbor Arbosobo nei yar Ssor Yisu Zidu leil niul leil seirseir mel meixl gger lol nia, niul leil zoxlnixr lol nia, niul leil nixmox zzaso lol nia.

⁴ Ngo saexl, ni ddei aniux^b mel gga Merhhexr Arbbor niul leil miardal dae mel sael a bei su ca armel zza. Yaa Arbosobo ddei ddarzi mel dax bei mae dae, yel ngo yarzi ggese. ⁵ Allor,^c ngo eilcar ni leil quex, niul zzicarzzi leil perniar nia. Ngo ni leil vaexr gger dae eil ddei mel miardal teixl lei a nga seir nr nga, ni Yisu leil ddarzzi beil halleix dder miardal dae a. ⁶ Niul Arbosobo miardal dae eil ddei dax bei mae dae a mel dder yar leil nei ca leil perniar a. Nia halleix Yisu leil ddarzzi beil a nga seir dder zzicarzzi leil perniar nia, miardal dae eil ddei bbejjiur goxr a.

⁷ Nael eilboxl middurbbor ca furllesu cirke ddux lei a; yaa mel Yisu Zidu

^a**1:1-2** *Arbosobo tiur teixl lei ssormaer* Ssormaer eil ddei mel dder jiaxlhuixl leil bbeix arddeir a. Yar ddei aniux mel dder Yisu leil ddarzzi su mel nga a.

^b**1:4** *aniux* “Aniux” ddei yilsi mel dder Yisu leil ddarzzi su mel nga a.

^c**1:5** *Allor* Xilaxl ddar “ssormaer” bbeix.

ca loxr a, niul dax lei a eine nr ssexl. Arseir eine nr ssexl a mel dder ca leil fur su nei Zidu leil dir su nga a. ⁸ Yel nia fadae nia, niul miar bei dae mel baexr a bei lol nr ddo, Arbosobo nia leil gger hal mel nael li jjia wo lol nia. ⁹ Ha arseir Yisu Zidu mul gger dae mel gierbox gger, halae yar mul gger dae mel dax bei nr mae dae a mel dder Arbosobo yar dax cirgo a hher nr ji dae. Nael ha arseir Yisu Zidu mul gger dae mel dax bei mae dae a mel dder Arbbor Arbosobo nei yar Ssor Yisu Zidu dax cirgo a hher ji dae. ¹⁰ Arseir nia dax halmaex lei a, yar Yisu Zidu mul gger dae mel mul gger nr nga arddeirnga a mel, nia dder yar leil nia ake hexl dil nr ddo, halae yar leil zzasoso dae lei biex nr ddo. ¹¹ Arseir yar leil zzasoso dae biex arddeirnga a mel, arseir dder yar dax cirgo a nr seir mel bei dax dae sael a nga a.

¹² Ngo mel nia leil zeixleixr cirke biar gger niazzir dae seir, nael ngo maexrzixr nei sul sser a, nia leil vaexr gger nia-nr-zzir. Ngo nia leil i ssi a, nia dax malma biar ssi loxia, yel niul leil ggese gaxzi lol.

¹³ Arbosobo tiur teixl lei niadaxl ddei aniux mel nia leil zzasoso dae biex dae.^d

^d**1:13** *Arbosobo tiur teixl lei niadaxl ddei aniux mel nia leil zzasoso dae biex dae* Ddar eil qier ddei yilsu mel dder Yisu leil ddarzzi su ca cir lei yaa leil zzasoso dae bbeix arddeir a.